

Izjava OHR-a na konferenciji za medije međunarodnih organizacija u Mostaru

Prvi zamjenik Visokog predstavnika traži veću potporu regionalnih razvojnih agencija za malo i srednje poduzetništvo

Regionalne razvojne strategije su ključni element u promjeni poslovnoga okruženja u BiH, danas će na sastanku u Sarajevu poručiti prvi zamjenik Visokog predstavnika, Larry Butler. On će međutim, naglasiti i da strategije na papiru moraju biti pretvorene u konkretne programe koji pomažu da se novi biznis razvija od početka do profitabilnosti u najkraćem mogućem vremenu.

Veleposlanik Butler će govoriti na konferenciji kojom će biti obilježena treća obljetnica sarajevske ekonomski regionalne razvojne agencije (SERDA). On će naglasiti da regionalne razvojne agencije sada nude konkretnu pomoć malome i srednjem poduzetništvu, ali još puno posla ostaje da se uradi.

Veleposlanik Butler će pozvati SERDA i druge regionalne razvojne agencije da lobiraju kod vlasti BiH za brže reforme u zakonodavstvu koje se odnosi na biznis, uključujući i zakon o obligacijama koji će ove godine zamijeniti poslovne zakone iz socijalističkog doba, s odredbama koje odgovaraju zahtjevima globalne ekonomije 21. stoljeća.

Donijela sam i kopije govora veleposlanika Butlera.

Prvi zamjenik Visokog predstavnika u posjeti Ravnom i Trebinju s ciljem promoviranja regionalnog razvoja, te malog i srednjeg poduzetništva

Prvi zamjenik Visokog predstavnika, Larry Butler, posjetit će

Hercegovinu u četvrtak, 18. maja. Ambasador Butler susrest će se s poduzetnicima iz te regije. Tema razgovora bit će uklanjanje zapreka za ulaganja i poboljšanje izgleda za rast poslovanja i otvaranje radnih mesta u BiH putem regionalnog razvoja i razvoja malog i srednjeg poduzetništva. U drugim zemljama ova strategija pokazala se efikasnom u zaustavljanju masovnog iseljavanja iz sela i manjih gradova.

Nakon sastanka ambasadora Butlera s poduzetnicima iz regije bit će upriličena izjava za medije:

u četvrtak, 18. maja, u 14:00 sati

u restoranu "Bijela lađa" u Lastvi